

Här Mars di Bartolomeo  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 8. Dezember 2017

Här President,

sou wéi d'Chambersreglement et virgesäit, bieden ech lech, dës parlamentaresch Fro un den Här Minister fir nohalteg Entwécklung an un den Här Wirtschaftsminister weiderzeleeden.

Wann auslännesch Gäscht, Touristen a Geschäftsleit an eisem Land ukommen, erliewen si hir éischt Impressiounen vu Lëtzebuerg dacks op der Stater Gare oder um Findel. Et ass an anere Länner an an internationale Grousstied üblech, datt dës Plazen och als positiv Visittkaart fir dat jeeweilegt Land vermaart ginn, z.B. mat attraktive Fotoen an touristeschen Infoen. Zu Lëtzebuerg sicht een esou eng Vermaartung op der Gare an um Findel ëmsoss.

An deem Zesammenhang wollt ech folgend Froen un déi Häre Ministere stellen:

1. Wäre et net sënnvoll, Tourismusbüroen op der Stater Gare an um Findel opzemaachen?
2. Wäre et net sënnvoll, op der Stater Gare an um Findel grouss a flott Fotoe vun deene schéinsten natierlechen a kulturelle Sitten am Land opzehänken?
3. Wäre et net sënnvoll, op deene genannte Sitten Infoen iwwer kulturell Evenementer public ze maachen?
4. Sollt, aus Grënn vum "Nation branding", d'Zuel vun de Reklammen mat finanzielle Contenance vläicht net e bëssche manner grouss sinn?

Mat déiwem Respekt



Fernand Kartheiser  
Deputéierten